

ერთი მხრივ, სს „საქართველოს ნავთობისა და გაზის კორპორაცია“ (შემდგომში – შემსყიდველი), წარმოდგენილი მისი დირექტორის ტექნიკურ საკითხებში შალვა კვიციანიძის სახით და მეორე მხრივ, შპს „Geo Sand“ (შემდგომში მიმწოდებელი), წარმოდგენილი მინდობილი პირის მაია მარგველაშვილის სახით, რომელიც მოქმედებს შპს „Geo Sand“ დირექტორის მამუკა დეკანოიძის მიერ 2022 წლის 4 ივლისს გაცემული მინდობილობის საფუძველზე, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე, ვდებთ ხელშეკრულებას შემდეგზე:

### 1. ხელშეკრულების საგანი

1.1. ამ ხელშეკრულების საგანია, შემსყიდველის მიერ აბრაზიული ქვიშის (შემდგომში - საქონელი) სახელმწიფო შესყიდვა წინამდებარე ხელშეკრულებით გათვალისწინებული პირობების შესაბამისად.

1.2. საქონლის დასახელება, CPV კოდი, შესაბამისი მახასიათებლები, რაოდენობა და ფასი ერთეულის მიხედვით მოცემულია წინამდებარე ხელშეკრულების დანართ №1-ში (ფასების ცხრილი), რომელიც თან ერთვის ხელშეკრულებას და წარმოადგენს მის განუყოფელ ნაწილს.

### 2. მხარეთა უფლება-მოვალეობები

2.1. შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი ვალდებულებების დროულად და სრულად შესრულება.

2.2. შემსყიდველი ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.3. მიმწოდებელი უფლებამოსილია, მოსთხოვოს შემსყიდველს ხელშეკრულებით ნაკისრი ვალდებულებების დროულად და სრულად შესრულება.

2.4. მიმწოდებელი ვალდებულია, მიაწოდოს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია.

### 3. საქონლის მიწოდების და მიღება-ჩაბარების პირობები

3.1. საქონლის მიწოდების საბოლოო ვადად განისაზღვრება ხელშეკრულების გაფორმებიდან არაუგვიანეს 30 (ოცდაათი) კალენდარული დღე;

3.2. მიმწოდებელი ვალდებულია, საქონლის მიწოდება განახორციელოს არაუმეტეს 3 (სამ) ეტაპად. თითოეულ ეტაპზე შემსყიდველის მოთხოვნიდან (რომელიც შესაძლებელია განხორციელდეს წერილობით ან/და ზეპირსიტყვიერად) არაუგვიანეს 2 (ორი) კალენდარული დღის ვადაში. შემსყიდველი საქონლის საერთო რაოდენობაზე მოთხოვნებს მიმწოდებელს აცნობებს ხელშეკრულების გაფორმებიდან არაუგვიანეს 28 (ოცდარვა) კალენდარული დღის ვადაში.

3.3. საქონლის მიწოდების ადგილია: ქ. საჩხერე, ფეიქართა ქ. №9;

3.4. საქონლის მიწოდების ადგილიდან საქონლის ტრანსპორტირებას უზრუნველყოფს შემსყიდველი საკუთარი ხარჯებით;

3.5. საქონლის მიწოდების ადგილზე საქონლის დატვირთვას შემსყიდველის ავტოსატრანსპორტო საშუალებაზე უზრუნველყოფს მიმწოდებელი საკუთარი ხარჯებით.

3.6. თითოეულ ეტაპზე საქონლის მიწოდების შემდეგ, მიმწოდებელსა და შემსყიდველს შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები. საქონელი ჩაითვლება მიღებულად მიღება-ჩაბარების აქტზე შემსყიდველის მხრიდან უფლებამოსილი პირის ხელმოწერის შემდეგ.

3.7. შემსყიდველი უფლებამოსილია უარი განაცხადოს უხარისხო ან ინსპექტირების ჯგუფის მიერ დაწუნებული საქონლის მიღებაზე.

### 4. საქონლის ხარისხი

4.1. მიმწოდებელი იღებს ვალდებულებას, რომ საქონლის ხარისხი შეესაბამება ხელშეკრულებით შეთანხმებულ ხარისხს, ტექნიკურ მაჩვენებლებს და დადგენილ სტანდარტებს.

4.2. მიმწოდებელი ვალდებულია საქონლის მიწოდებისას შემსყიდველს გადასცეს შესაბამისი საქონლის ხარისხის დამადასტურებელი დოკუმენტი/სერთიფიკატი.

### 5. ხელშეკრულების ფასი და ანგარიშსწორება

5.1. ხელშეკრულების საერთო ღირებულება შეადგენს 1 000,00 ლარს (ერთი ათასი) ლარს და მოიცავს მიმწოდებლის ყველა ხარჯს დაკავშირებულს საქონლის შემსყიდველისათვის მიწოდებასთან, მათ შორის, საქართველოს კანონმდებლობით გათვალისწინებულ ყველა გადასახადს, მოსაკრებელსა და სახდელს, დღგ-ს ჩათვლით.

5.2. ანგარიშსწორებისათვის საჭირო დოკუმენტებია:

- სასაქონლო ზედნადები;

- საგადასახადო ანგარიშ-ფაქტურა;
- მიღება-ჩაბარების აქტი (ორმხრივად ხელმოწერილი).

5.3. ანგარიშსწორება მიმწოდებელთან წარმოებს უნაღდო ანგარიშსწორების ფორმით, ეტაპობრივად, საქონლის მიწოდების შემდეგ და ხელშეკრულების 5.2 პუნქტით გათვალისწინებული დოკუმენტების მოწოდებიდან 10 სამუშაო დღის ვადაში.

## 6. გარანტია, პასუხისმგებლობა და ხელშეკრულების პირობების შეუსრულებლობა

6.1. მიმწოდებელი იძლევა გარანტიას, რომ მის მიერ მიწოდებულ საქონელს არ გააჩნია ნაკლი.

6.1.1. ნაკლის არსებობის შემთხვევაში, მიმწოდებელი თავისი ხარჯითა და პასუხისმგებლობით უზრუნველყოფს მის აღმოფხვრას შემსყიდველის მიერ ნაკლის გამოვლენის თაობაზე მისთვის (მიმწოდებლისათვის) გაგზავნილი წერილობითი შეტყობინების მიღებიდან არაუგვიანეს 2 (ორი) სამუშაო დღისა. ნაკლის აღმოფხვრა უნდა მოხდეს შესაბამისი, საქონლის ახლით შეცვლით.

6.1.2 იმ შემთხვევაში, თუ მიმწოდებელი ვერ უზრუნველყოფს ნაკლის აღმოფხვრას, შემსყიდველს უფლება აქვს დააკისროს მიმწოდებელს ნაკლიანი საქონლის ღირებულების პირგასამტეხლოს გადახდა, რაც მიმწოდებელმა შემსყიდველის მიერ მისთვის (მიმწოდებლისათვის) პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს 2 (ორი) კალენდარული დღისა უნდა გადაიხადოს.

6.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

6.3. ნაკლიანი საქონლის მიწოდების შედეგად შემსყიდველისთვის, ან მესამე მხარისათვის მიყენებული ნებისმიერი ზიანის ანაზღაურება ეკისრება მიმწოდებელს.

6.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.5. საქონლის მიწოდების დაყოვნების შემთხვევაში მიმწოდებელი ვალდებულია გადაუხადოს შემსყიდველს პირგასამტეხლო ყოველ ვადაგადაცილებულ კალენდარულ დღეზე ხელშეკრულების საერთო ღირებულების 0.1%-ის ოდენობით.

6.6. შემსყიდველის მიერ ანგარიშსწორების ვადის გადაცილების შემთხვევაში მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ ვადაგადაცილებულ სამუშაო დღეზე გადაუხადელი თანხის 0.1%-ის ოდენობით.

6.7. მიმწოდებლის მიერ ხელშეკრულების შეწყვეტის/საქონლის მოწოდებაზე უარის თქმის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით.

6.8. მიმწოდებლის მიერ პირგასამტეხლოს გადახდა, სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

6.9. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

## 7. მხარეთა პასუხისმგებლობისგან გათავისუფლება

7.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

7.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

## 8. ხელშეკრულების ინსპექტირების პირობები

8.1. შემსყიდველს ან მის მიერ უფლებამოსილ პირს უფლება აქვს განახორციელონ საქონლის კონტროლი და/ან გამოცადონ საქონელი.

8.2. მიმწოდებლის მიერ ხელშეკრულებისა და მისი დანართ(ებ)ის შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი (ასეთის არსებობის შემთხვევაში).

8.3. ინსპექტირების ჯგუფის ფუნქციებია:

8.3.1. საქონლის მოცულობის, ხარისისხისა და ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

8.3.2. შეამოწმოს საქონელი მის მიღებამდე და უხარისხობის შემთხვევაში უარი თქვას მის მიღებაზე.

8.3.3. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

8.4. ყოველი გამოვლენილი ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

**9. ხელშეკრულებაში ცვლილებების შეტანა**

- 9.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 9.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა სამოქალაქო კოდექსის 398-ე მუხლით დადგენილი შემთხვევებისა.
- 9.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 9.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.
- 9.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

**10. ხელშეკრულების ძალაში შესვლა და მოქმედების ვადა**

- 10.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2022 წლის 30 სექტემბრის ჩათვლით.
- 10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.


**11. ხელშეკრულების შეწყვეტა**

- 11.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 11.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:
  - ა. რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რა ვადაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.
  - ბ. ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;
  - გ. სსკ 398-ე მუხლით გათვალისწინებულ შემთხვევაში.
- 11.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

**12. დასკვნითი დებულებები**

- 12.1. ხელშეკრულება შედგენილია ქართულ ენაზე.
- 12.2. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით. შეთანხმების მიუღწევლობის შემთხვევაში ყველა სადავო საკითხი წყდება საქართველოს კანონმდებლობით გათვალისწინებული წესით.
- 12.3. ხელშეკრულებაში შეტანილი ყველა ცვლილება/დამატება/დანართი იურიდიულ ძალას იძენს მხოლოდ მხარეთა მიერ მისი ხელმოწერის დღიდან.
- 12.4. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი სხვა ნაწილების ნამდვილობაზე.
- 12.5. მხარეთა მიერ ხელმოწერილი ნებისმიერი ცვლილება/დანართი/დამატება წარმოადგენს წინამდებარე ხელშეკრულების განუყოფელ ნაწილს.

**13. მხარეთა რეკვიზიტები და ხელმოწერები**

<p><b>შემსყიდველი</b>          სს „საქართველოს ნავთობისა და გაზის კორპორაცია“          მის: ქ. თბილისი, კახეთის გზატკეცილი №21          ტელ/ფაქსი: 2 24 40 40 / 2 24 40 41          ს/კ 206237491          სს „თიბისი ბანკი“          ბ/კ: TBCBGE22          ა/ა GE71TB7895736030100001</p> <p>დირექტორი ტექნიკურ საკითხებში            შ. კიკნაველიძე</p>	<p><b>მიმწოდებელი</b>          შპს „Geo Sand“          მის: ქ. საჩხერე, კოსტავას ქ. №76          ს/კ: 439393443          ტელ: (995) 555 45 48 59; 571 81 07 27          სს „საქართველოს ბანკი“          ბ/კ: BAGAGE22          ა/ა GE43BG000000295793000</p> <p>მინდობილი პირი          მ. მარგველაშვილი</p>
---	--



ფასების ცხრილი

დანართი №1

ხელშეკრულება №

40-070722- 0 /

№	CPV	დასახელება	ტექნიკური მახასიათებლები	განზ.	რაოდენობა	წარმოშობის ქვეყანა	ერთეულის ფასი (ლარი, დღგ-ს ჩათვლით)	ღირებულება (ლარი, დღგ-ს ჩათვლით)	მიწოდების ვადა
1	14211000	აბრაზიული ქვიშა (ყვითელი)	SiO <sub>2</sub> 94±1% FeO <sub>3</sub> 0.2±0.05% Al <sub>2</sub> O <sub>3</sub> 2.5±0.05% მარცვლის ზომა 0,1±0,8 მმ ტენიანობა 10 % მდე	გ³	20	საქართველო	50.00	1000.00	ხელშეკრულების გაფორმებიდან არაუგვიანეს 30 (ოცდაათი) კალენდარული დღის ვადაში, ეტაპობრივად, შემსყიდველის მოთხოვნიდან არაუგვიანეს 2 (ორი) კალენდარული დღის ვადაში.

„მიმწოდებელი“  
შპს „Geo Sand“  
ს/კ: 439393443

მინდობილი პირი  
მ. მარგველაშვილი

**GEO SAND**

შპს Geo Sand

ს/კ 439393443

მის: საჩხერე, ფეიქართა ქ.

ტელ: 571810727

555454859

საჩხერე

04/07/2022

**მ ი ნ დ ო ბ ი ლ ო ბ ა :**

შპს „GEO SAND“ -ს დირექტორი მამუკა დეკანოიძე უფლებამოსილებას ანიჭებს მათ მარგველაშვილს პ.ნ. 38001031885 მასზედ, რომ ქვიშის შემსყიდველ ორგანიზაციებთან აწამოს მოლაპარაკებები, გააფორმოს ხელშეკრულებები და წარმოადგინოს შპს „Geo sand“-ის მხარე სრული უფებამოსილებითა.

მინდობილობა ძალაშია 31/12/2023-მდე.

დირექტორი



მამუკა დეკანოიძე

**TDGEOSAND@GMAIL.COM**